

WIEŻËCA

W snözim karnie Grzëp Szimbarsczi
Jedna bÛsznota górëje –
To je snôzi grąd Wieżëcë,
Co Kaszëbóm wcyg królëje.

Ji spòsobnosc na tim môlu
Je bëlnotą Stwórcë Pana.
W gónie Ûral – Pireneje
Òna panëje tu sama.

Bò ju òd stwòrzeniò swiata
Pón Kaszëbóm spòsob dół
Ë wszëtczim dobrem ti zemi
Tatczëznã jich òbdarził.

Stąd turiscë nié blós z kraju
Zjéżdżają tu ze wszëch strón,
Bë pòznac kaszëbsczé léchë
Z Wieżëcë pò nieba sklón.

Nalezc mògą tu wszëstkò
Co ze skrzëni „wësëpòł” Pón:
Snózé łączci, rzëczi, gradła,
Lasë, bòrë, mòrza stón.

Stwórcã nadół ji te sztòltë
Jak do slëbù brutce wiön,
Lëdzóm stolemòwsczi mòcë
Wsparti ò swiönowsczi trzón.

Je téz przëdny cëch òglowi
Òd Bòga Kaszëbóm dóny.
Widzec to tu na Wieżëcë –
Krziz z Máką Pana pòstawiony.

CHMIELNO

W karnie kaszëbsczich wsów ë gardów
Trzë z nich nôbëlniejszë są.
To Gduńsk, Żukòwò a Chmielno,
Chtërne w naji Tarczëznie żdzą.

Ò Gduńskù, stolëcë Kaszëb czëc,
Żukòwò nie chce gòrszë bëc,
Le zòdno z nich nie je tim môlem,
Dze chcało bë sã snòzo żëc.

To Chmielno – môl dynastii,
Chtërna sã kaszëbską zwała.
Tu bëła téż Kasztelaniò,
Co na starzë tëch strón żdała.

To tu na zwãżenim jezór
Latama Damroka żdała.
Ksyżënò kaszëbszczi zemi
Chmielna legendë skribała.

Tak bëło za rodnëch czasów,
W chtërnëch Chmielno wòznë bëło,
Ale jak tu przëszedł Krzëżòk
Z „Kastelu” nic nie òstało.

Mòja Mëma z tëch strón bëła,
Piechti do Chmielna chòdzëła,
W kòscele tim zdòwã miała,
Dargów gónë zwënëgòwała.

Chmielno je kaszëbską perłą,
Tu, jak snòzò legenda głòsy,
Miłota pò smiercë sã spëlnia,
Bò Chmiel Bòga ò to prosy.

Biòtka Chmielna w czas zabòrów
Ò swój rodny swójsczi pién,
Religiò w szkòlach pò pòlskù,
Katolëckò – patrioticzny bëlny drzëń.

W Chmielnie kònkùrs Rodny Mòwë,
Co nie blòs Kaszëbë sławi,
A czëc ò nim w całi Pòlsce
Jak sã tu w kaszëbsczim prawi.

Je téż kònkùrs Zaziwaniò Tobaczi,
Co w Chmielnie mò swój mòl.
To wiekòwi zwëk Kaszëbów,
Nienaszińcóm wiòldzi żòl.

Cëdnò je kaszëbskò ceramika
Neclów rodzëznë bëlny wiòn,
To warkòwnosc pòkòleniò,
To je Chmielna bùszny plòn.

Wiele mòzna prawic ò Chmielnie,
Bò je przëdnym môlem Kaszëb,
To za sprawą Stwórcë Pana
Mò tak mnodzi chwát w trójnasób.

Dzys do Chmielna cygną wszëscë
Z pòlszczich ë swiatowich strón,
Bò to rodnò zemia Kaszëb,
Chtërnã z nieba wësëpòł Pòn.

Kòscërzna, rujan 2011 r.

SWIÓNOWSCZÉ ÒDPÙSTĚ

Chto bë chòc rôz bël w Swiònowie,
W ti kaszëbsczi snòzi wsë,
Dze w trójkątnym môlu drodzi
Królewò Kaszëb mô swé zdë?

Tu na òdpùstë zdążają
Kaszëbi ze wszëszczich strón,
Bë przed skarniem Matczi Bòsczi
Przedstawić swi wiarë stón.

To tu w tim sanktuarium
Òd wiek wieków môl swój mó,
Wësłëchiwò skardzi, zòle,
Kaszëbóm ùkòjenie dò.

Pierszi òdpùst je w „miodowim”,
Co w Szkaplëzną mô swój môl.
Tej mómë tësące lëdzy,
Chtërny tu widzą swój cël.

Wiele pielgrzimów przëbiwò
Bë do szkaplërza przëjätim bëc
È spòwiedzą w sakramencie
Sëmienie swòje czësté miec.

Bë ùprosëc Matinkã naszą
Ò rozwògã, pòbòzny chwata,
Bë w dalszim zëcowim gónie
Nie felowało nigdë bòzich rad.

Drëdzi òdpùst je na Séwną –
Tak ògłowò je òn zwóny.
Dzãczi skłòdómë za darë
Z trójnëch pól gbùrszczich zebróné.

Ale w swiãce Séwny chòdzy
Nié blòs tu ò zemsczé darë,
Ale séw dobrégò słowa,
Mir, nowé zëcë za wiarã.

Ò nabòzność tëch òdpùstów,
Jich tradëcëji dludzi gón,
W chtërnym Królewò Kaszëb
Pielgrzimów bierze na swój plón.

Kòscëczna, séwnik 2011 r.

PÒLE

Nasze pòla wedle dardzi,
Chtërna w gón do Hëtë szła.
Z jich wiżwë bëło widzëc,
Iaczé niwë Kòlonia mia.

Nasze pòla jò znòł dobrze
Przédnio jak zem knòpem béł,
Tu ze starszima jò sadzył
Bùlwë, wrëczy, zbòzé sòł.

Znajã w nim kòzdi sztëczk zemi,
Jak to pòle jò òbròbiòł,
Wiele gòdzyn na nim biwòł,
Z zòdnëch pròc sã nie wëmòwiòł.

Nówicy redotë bëło,
Jak zbòzé szło w trójny szos.
Za rëszenim Stwórcë Pana
Ùklón dówò kòzdi kłos.

Czé sã czas do żniwów zbliżòł
Òjc mòj wiedno w kòsã szedł
Do stòwianiò snopów w rzãdë,
Jò z ti pròcë béł zem ròd.

Jak bëłë żniwa skùnczoné
Ë związóny slédny snop,
„Bäksem” béł òn nazywóny,
Ò tim wié dzys kòzdi knòp.

Taczé bëłë kaszëbsczé żniwa –
Robòtné a prawie „swiãtë”,
Bäksem, òstatnégò snopa
Przeżegnanim, bëłë zamkniãté.

Kòscérzna, smùtan 2011 r.